



Inatsisartuni ilaasortaq Aleqa Hammond
c/o Inatsisartut Allattoqarfiat
/maani

§ 37 naapertorlugu apeqqummut 2012-7-mut akissut

Inatsisartuni ilaasortaq Aleqa Hammond (Siumut) ulloq 6. januar 2012 § 37 naapertorlugu imatut Naalakkersuisunut apeqquteqarpoq:

**"Erfalatorput Naalakkersuisunit pisortatigoortumik illersorneqarluni ator-
neqartarneranut, siunertaanut inuiattullu ilisarnaatigineqarnera pillugu
akisussaasutut qaammarsaaqataasussatut suliniarpa?"**

Kalaallit Nunaata erfalasua pillugu Inatsisartut inatsisaat nr. 6 11. juni 1985-imeersoq tunngavigalugu immikkut ittumik kalaallit erfalasoqarnerat akuerisaavoq.

Kalaallit Nunaata erfalasua pillugu Inatsisartut inatsisaat nr. 6 11. juni 1985-imeersoq tunngavigalugu erfalasumik atuinermi peqqussutit aalajangersarneqartarput.

Kalâtdlit ingmîkut erfalassuata akuerinekarneranik nalunaerut 24. juni 1985-imeersoq tunngavigalugu erfalasutta ilusilersorneqarnera aalajangersarneqarsimavoq.

Ullut erfalasilisaarfissat pillugit Namminersornerullutik Oqartussat nalunaarutaat nr. 26, 11. november 2008-imeersoq ullut erfalusilaarfissat pillugit nalunaarutini kinguller-
saavoq. Taanna tunngavigalugu ullut sorliit pisortatigoortumik pisortat suliffeqarfiutaanni erfalasilisaarfissaanersut aalajangersarneqarsimapput.

Qulaani taaneqartut tunngavigalugit isumaqarpunga, erfalatorput pillugu suliassaqar-
fimmi tassani inatsisiliortoqareersimanera erfalassuttalu atorneqarnissaani aalajanger-
saasoqareersimanera pisuutigalugit, pisortatigoortumik illersugaasoq pisortanillu oqar-
tussaaffigineqartoq.

Inussiarnersumik inuulluaqqusillunga


Kuupik Kleist

19. jan 2012
Sagsnr. 2012-060250
Dok. Nr. 801653

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl